

NË EMËR TË POPULLIT

GJYKATA THEMELORE NË GJAKOVË, –Departamenti për Krime të Rënda, Gjyqtarit Shaqir Zika, Kryetari i Trupit Gjykuese, me pjesëmarrjen e sekretares juridike Bute Ramosaj, në lëndën penale kundër të akuzuarit F. S. K., nga T. R. Shqipërisë, tani me banim te përkohshme ne fshatin Zh. K- Gjakovë, për shkak te veprës penale blerja, posedimi, shpërndarja, dhe shitja e pa autorizuar e narkotikeve te rrezikshëm substancave psikotrope nga neni 273 prg 2 si bashke kryes lidhur me nenin 31 te KPRK-se, i akuzuar sipas aktakuzës se Prokurorisë Themelore në Gjakovë, -Departamenti për Krime të Rënda PP/I.nr. 1/2017, te dt. 18.05.2017, pas mbajtjes se seancë të shqyrtimit të marrëveshjes mbi pranimin e fajësisë, të mbajtur më dt.05.06.2017, në prezencën e përfaqësuesit të Prokurores së Shtetit Shpresa Bakija, i akuzuari F. K., dhe mbrojtësi te tij av. P. P nga Gjakova, i caktuar sipas Detyrës Zyrtare, me datë 05.06.2017 muar dhe publikisht shpalle këtë :

A K T G J Y K I M

1.I akuzuari: F. K., nga T. R. Shqipërisë, tani me banim ne fshatin Zh. K- Gjakovë, nga i ati S. dhe ëma F. e gjinisë B., i lindur me dt., ku dhe jeton, i pa martuar, i pa pune, i gjendjes se dobët ekonomike, Shqiptar Shtetas i R. Shqipërisë, gjendet ne paraburgim prej dt. 06.05.2017.

Ë S H T E F A J T O R

Pasi pa autorizim është furnizuar me substancë narkotike te llojit “ marihuana” e cila me ligj është shpallur si narkotike, këtë substancë e ka shitur te akuzuarve A. Sh., dhe S. D., në shume prej 45 €, dhe dy pako cigare, ne atë mënyrë që natën kritike me dt. 03.01.2017, rreth orës 23:20 min, në fshatin Zh. K- Gjakovë, nga patrulla e Policisë DRPK- Perëndimi ne Gjakovë është vërejtur një automjet i ndaluar i tipit “ Wolsfagen Passat” me ngjyre te kuqe, me tabela ... ne të cilin automjet ndodheshin te pandehurit A. Sh., dhe S. D., dhe pas kontrollit dhe bastisjes se personave dhe automjetit ne afërsi te ulëses se pasagjerit tek pjesa e këmbëve janë gjetur dhe sekuestruar 2 qese plasmasi njëra me mbishkrimin Viva Fresh Store, dhe tjetra Meridian, në të cilat brenda kishin substancë narkotike qe sipas raportit mbi ekzaminim Nr. AKF- 2017-135/2017- 127, te dt. 02.02.2017, ka rezultuar se është e llojit “ marihuana” ne peshe të përgjithshëm prej 1.356, 52 gr. te cilën substancë narkotike te pandehurve gjere te automjeti i tyre i kishte sjellur i pandehuri F. K., dhe shoku i tij, te cilat me te vërejtur policinë janë larguar ne drejtim te pa njohur.

- me çka ka kryer veprën penale blerja, posedimi, shpërndarja, dhe shitja e pa autorizuar e narkotikut të rrezikshëm dhe e substancave psikotropike nga neni 273 prg 2 si bashke kryes lidhur me nenin 31 te KPRK-se.

Andaj Gjykata me aplikimin e neneve 3, 6, 17, 21, 41, 43, 45, 73, neni 273 prg 2 lidhur me nenin 31 të KPRK-së, dhe neneve 359 par. 2, 366,450,458 te KPPK-se te akuzuarin i shqipton

DENIMIN ME BURG DHE GJOBE

Për vepër penale blerja, posedimi, shpërndarja, dhe shitja e pa autorizuar e narkotikut të rrezikshëm dhe e substancave psikotropike nga neni 273 prg 2 lidhur me nenin 31 te KPRK-se, dënimin me burgim ne kohëzgjatje prej 7 (shtatë) muajve, në të cilin dënim do te llogaritet koha e kaluar ne paraburgim nga dt. 06.05.2017, i cili paraburgim është vazhduar gjerë në plotfuqishmëri e këtij aktgjykimi, i cili nuk mund te zgjas me shume se dënimi i shqiptuar ne këtë aktgjykim, si dhe dënimi me gjobe 700 (shtatë qind)€, i cili dënim duhet të paguhet ne afate prej 30 ditëve nga dita e plotfuqishmërisë së këtij aktgjykimi, po qe se dënimi me gjobe nuk do te paguaj i njëjti dënim do te zëvendësohet me dënim burgimi ne kohëzgjatje prej 35 (tridhjetë e pesë) dite, duke llogaritur për çdo dite te burgimit shumën prej 20(njëzete)€.

I akuzuari F. K., obligohet që ti paguaj te gjitha shpenzimet e procedurës penale sa do te jenë sipas llogarisë së kësaj Gjykate, dhe ne emër të paushallit gjyqësor shumën prej 30(tridhjetë)€, te gjitha këto ne afate prej 15 ditëve pas plotfuqishmërisë se këtij aktgjykimit.

A r s y e t i m

Prokuroria Themelore në Gjakove, - Departamenti për Krime të Rënda, ka ngritur aktakuzën PP/I.nr. 1/2017, te dt. 18.05.2017, kundër te akuzuarit F. S. K., nga T. R. Shqipërisë, tani me banim ne fshatin Zh. K- Gjakovë, p.nr. për shkak te veprës penale blerja, posedimi, shpërndarja, dhe shitja e pa autorizuar e narkotikeve te rrezikshëm substancave psikotrope nga neni 273 prg 2 si bashke kryes lidhur me nenin 31 te KPRK-se. Me propozim për caktimin e seancës për shqyrtimin e marrëveshjes mbi pranimin e fajësisë.

Gjykata ka caktuar seancës dëgjimore të shqyrtimit te marrëveshjes për pranimin e fajësisë ku prezent kanë qene përfaqësuesin e Prokurorisë Themelore ne Gjakove, Prokurorja e Shtetit Shpresa Bakija, i akuzuari F. K., si dhe mbrojtësi i tij av.P. P., i caktuar sipas detyrës zyrtare.

Gjykata gjate seancës dëgjimore të shqyrtimit te marrëveshjes mbi pranimin e fajësisë ka dëgjuar përfaqësuesin e akuzës Prokuroren e Shtetit, te akuzuarin dhe mbrojtësin e tij.

Prokurorja e shtetit Shpresa Bakija, ka deklaruar se mbrojtësi i të akuzuarit F. K., av. P. P., Prokurorisë Themelore në Gjakovë, - Departamentit për Krime të Rënda, i ka parashtruar

kërkesën për negocimin e marrëveshjes mbi pranimin e fajësisë dhe pas negocimit të marrëveshjes marrjes së pëlqimit nga Kryeprokurori i Prokurorisë Themelore në Gjakovë, me të akuzuarit dhe mbrojtësin e tij kemi arritur marrëveshjen mbi pranimin e fajësisë dhe atë pas konsultimeve të mjaftueshme me mbrojtësin e të akuzuarit kështu që kjo marrëveshje është nënshkruar nga të gjitha palët në procedurë e për të cilën marrëveshje për kushte llojin e dënimit është njoftuar Gjykata si dhe vetë i akuzuari andaj i ka propozuar Kryetarit të Trupit Gjykuese që këtë marrëveshje të aprovoi.

Mbrojtësit i të akuzuarit **F. K., av. P. P.**, ka deklaruar se: pas konsultimeve të nevojshëm me të mbrojturin tim duke i shpjeguar të gjitha favorët dhe pasojat të pranimit të fajësisë me pëlqimin e tij me vullnetin e tij me Prokurorinë kemi arritur marrëveshjen mbi pranimin e fajësisë për kushte e marrëveshjes është njoftuar Gjykata andaj i ka propozuar Gjykatës që të njëjtën marrëveshje të aprovoi, pasi që e njëjta është arritur me vullnete të plotë dhe pa kurrfarë presioni, kërcënimi, apo mashtrim, dhe është komform dispozitave ligjore.

I akuzuari **F. K.**, në tërësi ka ngelur pranë marrëveshjes së arritur në mes të Prokurorit të Shtetit dhe mbrojtësit të tij, duke theksuar se mbrojtësi i tij i ka shpjeguar të gjitha të drejtat ligjore dhe të njëjtën marrëveshje e ka nënshkruar me vullnetin e tij personale pa ndikim të askujt.

Gjykata pas dëgjimit të pretendimeve të Prokurorit të akuzuarit dhe mbrojtësit të tij, lidhur me marrëveshjen mbi pranimin e fajësisë ka konstatuar se i akuzuari F. K., ka kuptuar natyrën dhe pasojat të pranimit të fajësisë, ky pranim është bërë në baza vullnetare pas konsultimeve të nevojshëm me mbrojtësin e tij, i akuzuari nuk kanë qene i detyruar ose i shtrenguar në asnjë mënyrë që të pranoi fajësinë, pranimi i fajësisë mbështet në fakte dhe prova të cilat janë paraqitur në aktakuzë, dhe janë pranuar nga vetë i akuzuari. Po ashtu Gjykata ka vërtetuar se nuk ekziston asnjë nga rrethanat për hudhjen e aktakuzës, apo të pushimit të procedurës penale të parapara me nenin 248 para 3 të KPPK-se.

Gjykata gjendjen faktike të përshkruar në dispozitiv të këtij aktgjykimi e ka vërtetuar jo vetëm nga pranimi i fajësisë nga ana e të akuzuarit por edhe nga provat që gjenden në shkresat e lëndës, nga kallëzimi penalë i parashtruar nga Policia e Kosovës, Drejtoria Rajonale e Policisë për hetimin e trafikimit me narkotik me numër të rastit 2017-YWB- 001, të dt. 05.01.2017, si dhe kallëzimi plotësues penalë, i parashtruar me numër të njëjtë të rastit të dt. 13.04.2017, vërtetimi mbi konfiskimin e substancës narkotike nga A. Sh., në sasi prej 1.414 gr, të dt.03.01.2017, shikimit i ekspertizës së Agjensionit Kosovar të Forenzikës, Njësia e Shkencave Ligjore, analizave kimike, me numër të rastit AKF -2017- 135/2017- 127, të dt. 02.02.2017, shikimit në fotografit të vendit të ngjarjes.

Andaj, Gjykata ka arritur në përfundim se në veprimet e të akuzuarit ekzistojnë të gjitha elemente qenësore të veprës penale blerja, posedimi, shpërndarja dhe shitja e pa autorizuar e narkotikeve substanca psikotrope dhe analoge nga neni 273 prg 2 si bashkë kryes lidhur me nenin 31 të KPRK-se, të përshkruar si në dispozitiv I, të këtij aktgjykimi, dhe për këtë ka vendosur që të pranoi fajësinë e të akuzuarit dhe të akuzuarin ta shpalli fajtorë dhe ta dënoi në baze të Ligjit.

Gjate seancës për caktimin e dënimit Prokurori i Çështjes ka deklaruar se: mbetet pranë dënimit të rekomanduar në marrëveshjen mbi pranimin e fajësisë, për të akuzuarin F. K., për veprë penale blerja, posedimi, shpërndarja, dhe shitja e pa autorizuar e narkotikeve të rrezikshëm substancave psikotrope nga neni 273 prg 2 si bashkë kryes lidhur me nenin 31 të KPRK-se, ku për këtë veprë penale është parapare dënimi prej 2 deri 12 vite, dhe konsideroi se dënimi i propozuar në marrëveshje, në kohëzgjatje prej 7 (shtatë) muajve, gjere në 9 (nëntë) muaj burgim si dhe dënim me gjobe prej 600 (gjashtë qind) deri në 800 (tetë qind)€, është në përputhshmëri në veprën penale për të cilën akuzohet i akuzuari dhe mendojmë se në këtë dënim do të arrihet qëllimi i dënimit i parapare me Ligj.

Sa i përket propozimit për konfiskimin e automjetit dhe substancës narkotike me vonë kam kuptuar se nga ana e kësaj Gjykate me aktgjykimin PKR.nr. 20/2017, kundër të akuzuarve A. Sh. dhe S. D., është shqiptuar dënimi plotësues është konfiskuar narkotike në peshe prej 1.356.52 gr, si dhe është konfiskuar automjeti i tipit “VW- Passat” me tabela të regjistrimit ..., që ka qenë pronë e Sh. Sh., andaj tërhiqem nga ky propozim për konfiskim nga se njëherë është konfiskuar narkotiku dhe automjetit.

Mbrojtësi i të akuzuarit **F. K., av. P. P.**, nga Gjakova, ka deklaruar, duke marrë parasysh që kemi arritur marrëveshjen e pranimin të fajësisë, me vullnet të plote pa presion, dhe në këtë marrëveshje është rekomanduar dënimi me burgim në kohëzgjatje prej 7 (shtatë) muajve deri në 9 (nëntë) muajve burgim, si dhe dënim me gjobe prej 600 (gjashtë qind) deri në 800 (tetë qind)€, andaj i propozoi Kryetari i trupit Gjykuese, që të shqiptoi dënimin minimale të parapare në marrëveshje, duke aplikuar dispozitat e zbutjes së dënimit, nga se i mbrojturi im ka pranuar fajësinë për veprë penale që i vihet në barrë, ka bashkëpunuar me organet e ndjekjes dhe me Prokurorinë, i njëjti është i moshës së re, me here nuk ka qenë i Gjykuar, gjendjen e tij materiale, është përnduar thellë për veprën e kryer, dhe me dënimin minimale në kuadër të marrëveshjes do të arrihet qëllimi i dënimit i parapare me Ligj.

I akuzuari **F. K.**, ka deklaruar se: e mbështet fjalën e mbrojtësit të tij, dhe pendohet për veprën e kryer dhe shpreh keq dhe premtion që në të ardhmë nuk do të kryej vepra të ngjashme penale.

Gjykata duke vendosur mbi sanksionin penal juridike të propozuar në marrëveshje ka vlerësuar të gjitha rrethanat konform nenit 73 të KPRK-se, që ndikojnë në llojin dhe lartësinë e dënimit, ashtu që si rrethanë lehtësuese për të akuzuarin ka marrë pranimin i fajësisë nga ana e tij, pendimin e tij, për veprën e kryer qëndrimin i tij korrekte gjatë gjykimin, jo dënueshme rinë e tij, moshën e tij të re, ndërsa si rrethanë rënduese Gjykata pati parasysh peshën dhe natyrën e kësaj veprë penale si ky lloji i veprës penale paraqet rrezikshmëri të lartë shoqërore, dhe këto vepra penale në territorin e kësaj Komune janë në rritje e sipër, andaj Gjykata të njëjtit i ka shqiptuar dënimi me burgim në kohëzgjatje prej 7(shtatë) muajve, si dhe dënim me gjobe në shumë prej 700 (shtatë qind)€, me shpresë dhe bindje se dënimi i shqiptuar do të arrin qëllimet e dënimit të parapare me dispozitat të nënti 41 të KPK-se.

Vendimi mbi shpenzimet e procedurës penale dhe ne emër te paushallit gjyqësor bazohet ne dispozitat e nenit 450 par 3 të KPPK-se.

Nga arsyet e cekura me larte dhe me zbatimin e neni 365 par. 1 te KPPK-se është vendosur ne dispozitave te këtij aktgjykimi.

**GJYKATA THEMELORE NE GJAKOVË, - Departamenti për krime të Renda,
PKR.nr.56/2017, dt. 05.06.2017**

**Procesmbajtësja
Bute Ramosaj**

**Kryetari i trupit gjykues
Shaqir Zika**

KËSHILLA JURIDIKE: Kundër këtij aktgjykimi mund te parashtrohet ankesë, nëpër mjet kësaj Gjykate për Gjykatën e Apelit ne Prishtine ne afati prej 15 ditëve nga dita e pranimit te aktgjykimit.

